

Савлук нулега аналъкукагамаўк Илаңамың.

Киңоку, гуқ, малгук аньяк Сигнасоҳсимаўк. Тагани Кыльтыгыргым нальихқыналгемың ымыңусима илани тахкуғми. Ынкам паситыкумат Кыльтыгыргын. Итыҳсимат. Аньят наңрамат унилъуку тагани Кыльтыгыргын. Налькўита пыңыкат, Илаңамун итыҳтут. Ысхағахтуйқылуку уныхсималге итыҳтагвигми. Савлугмун, гуқ, Илаңам ысхағахтуйька. Тыңлуни Савлум ысхағьяхтума.

Киңоку, гуқ, «тыңук». Кыльтыгыргым атасимың накын кулнаның қанылге никума, қылыги Савлук.

Пима Кыльтыгыргын:

– Анльыкутын укйўуми. Кыхтыкун агыкинаң. Элинун туйькувык ыгминаң қатңбукинаң Нувуқамун.

Льоған укйўуми аныфкағат. Кыхтымун тусалге, эгун гўаникума. Сивулихпигагмун ынлумун итыҳтук. Кафсахталге акуна кильтыңитук. Итыгьялге, игунапигмың тукуласимат ысильтыңит ынлум.

Аңукағат, ыльтугет, ют, агнат. Қангутет льяқа уңувалгит. Ыкнықыкумахта, қаюнльахтук. Ныгыфкагиук. Таўхкын қавахтук. Эгун, гуқ, тупакатакуқ, мелькет льяган микискит уңувалгеситун ынағаакут. Тупаглуни ысхағьякет тукуналгит акулңинтакуқ. Сивукуль, гуқ, аңукағета пекет микискитың, ахсантупахлъяқахсиуң, қатңуяхқа, сали қавақлџи. Қаюльхаглуни, ныгыфкагильхаглуни, қатңухтук тағавык ыглыхлџуни. Умьюақлџуку Савлук пималге, самың льяган алиңыйьқыпынан. Элини агулельхаглуни, Нувуқам туңыңанун қатңухтук. Мақнық эгун кумлатыңаўк. Амльуглуни, ыглыхтук Нувуқамун...